

清  
權  
堂  
集

清樵堂集卷之二十一

秀水沈德符景倩父著

侄大遇仲謀父閱

賃春草

臆史雜言一百四十首

庚申之夏養疴吳下僦宅城東奚囊不  
携一書長晝偃卧尋繹史冊而腹笥空  
疎僅如王荊公所稱斷爛朝報者伸紙  
輒錄不次時代亦不訂訛謬也

貪猷玉樹倚臨春，慨慕金吾娶貴嬪。同號麗華  
同作后，姓張福遜，姓陰人。

禽荒史冊未前聞，牲拜儀同牝郡君。狗馬尚賢  
諸將相，也曾馳逐奏頭勳。

麒麟屬國殿羣賢，孤負天山十九年。堪笑唐家

畫君集，太宗不復踐凌烟。

不登凌烟事  
見大唐新話

南唐圍閉佛無神，救苦聲中禮戰塵。莫恨北僧  
工間諜，此城曾餓姓蕭人。

太伯荆吳德莫加，劉強東海智堪誇。宋家元佐

唐成器總遜東丹李贊華

高貴鄉公趨相府元恭手刃爾朱榮猶強醇酒  
生金輦禮佛天家畏再生

莫論忠孝繫門楣合是朝家運盛衰但看敬宗  
生許遠姪兒祖乃上官儀

穹爵粗酬襁篋功雙飛勇妾戰明空北朝名器  
真能惜不許却玉具拜公

小兒先後兩緋衣謠讖雖妖豈盡非二相一門  
生歿異裴炎手似度知幾

李日月爲朱泚將韓霜露亦事淮西賊臣名欲  
干天象那得貞元息鼓鑿

倡條治葉漫平章吳帝唐宗一例狂新授官銜  
堪總倒惜花御史侍芝郎

喬琳七十誅因叛李昱歸降賜蔡亡諱日誕辰  
俱七夕難將天道問牽郎

黨論繇來厄兩賢文饒思黯互乘權差強洛蜀  
延南渡只壞唐家四十年

寄托清高總大賢奇章石癖勝平泉淡交如石

無疎密。只有裴公與樂天。

單于降漢鼎。俄遷唐。復河湟。亦季年。堪笑宣和。  
車不戒青唐。湟鄯又幽燕。

兩朝主聖古稱奇。索虜何須笑。烏夷案魏二文。  
猶異代最難大定。配淳熙。

袁粲門生殺穉兒。噬仇獍狗竟陳屍。黃金合範。  
韓盧像陪祀。橋邊豫讓祠。

欲借軍功寵嬖姬。無端黔首困瘡痍。馬遷下室。  
真寃抑游說。何妨沮貳師。

隆中經濟在躬耕，耒耜何曾廢甲兵。  
莫訝南征諸葛菜，曹公軍已種蕪菁。

武王秘記語堪憑，女至天人合代興。  
弓劍累朝俱發露，至今風雨護乾陵。

太恩難報真宜殺，盜豈能敦國士風。  
虧法縱囚元合處，教人錯惜李汧公。

牧之風調冠當時，遺集樊川亦綺靡。  
文士相傾忘自反，欲誅元白廢淫詞。

東昏爲厲覆蕭梁，侯景重來嬖溧陽。  
更有好還

生滕下寶貨猶子豫章玉

洛陽風景擅中原憑弔繁華賴史存魏已東西  
宋南渡伽藍纜記又名園

荆公釋恨呂吉甫短李復書張又新畏路戒心  
隳百鍊古人匿怨勝今人

灣沓一夜水全合三日錢塘不上潮胡運合興  
天必祚不然炎燼已前銷

逃暑元戎甲第中朱三無賴煽淫風茹羞臣賊  
張全義亞子何心認婦翁



晉室當年武庫灾，斬蛇穿屋劔飛回。巨君顛骨  
樂身後也，共宣尼履並灰。

妾舞君歌霸氣微，先驅螻蟻樂如歸。虞兮幸不  
逢淫雉，恨血猶污故主衣。

亡國徽欽萬古嗟，父猶歸柩子胡沙。凶威更笑  
完顏亮，不得與尸比帝鄉。

盡說高宗本錢俶，更聞徽廟李重光。不知京輔  
諸賢相，可是韓王武惠王。

曲端冤歿岳飛隨，後學徒知晉會之。德遠何人

偏俎豆腐奴不分有佳兒

謂張敬夫

藩王取藕容籤帥天子思魚問錄公凶德蕭齊  
宜受報天教二祖設樊籠

燕王托國本良籌資放何人亂大謀吳蜀雖衰  
司馬盛曹家到底苦孫劉

長城當日謚煬公誰道隋皇號亦同千古三煬  
誰鼎足後來金亮似英雄

墨王書寶恣臨墓宋榻唐鈞價易訛京卜寧甘  
遜虞楮貞觀主乃勝宣和

朱梁猜忍本椎埋，撲殺青虫亦快哉。  
車軸佞詞真可憎，驪山儒亦議瓜來。

飛龍廐內參閹奴，尚父仍勞盜手屠。  
悖義將軍佞濁子，元家猶解賞中誅。

德遠稱忠因主戰，會之號佞爲和戎。  
開禧函首祈哀日，若個書生論最公。

嘗使英雄淚滿襟，杜陵弔葛寄情深。  
叔文賫恨圖闔豎，直至悲歌宗汝霖。

彈丸昭義匪難謀，借力中官績始收。  
訓注何辜

呼逆賊衛公已合向匡州

實甲東宮至萬人義隆墮指豈無因紇干上變  
如稽緩此禍還應及世民

釋家報應事尋常善惡從來兆慶殃拈罕若疑

非趙禪德芳何故是權郎

王安石  
小字

阿瞞綽霸本雄豪仲達陰謀亦太勞劉石他年  
屠典午可曾寸刃及諸曹

同氣諸男例剪屠蕭鸞凶德古今無練兒誅賞  
偏分曉高武兒孫列宦途

龔聖開唐士景從堪嗔奸逆也雲龍愛烟未盡  
侯君集天策先登許敬宗  
英雄技癢不知休媒進衰年秣茹羞一自廉頗  
遺矢後伏波蕙苾困壺頭

粘罕訪求司馬後只因元祐世粗安如何徽廟  
居沙漠尚買熙寧日曆看

彭城未到命先終亞父神幾別魯公幸免曹劉  
堂上笑試看呂布與陳宮

妻爲逃嫁難稱毋矯枉秦人或未然何至金輪

稱帝日子爲出母服三年

計賺英雄是太宗盡將文史老三冬帝王此後  
翰鄉貢進士前銜李道龍

謾勞樊嬖語分明禍水能令漢鼎傾赤鳳未來  
先有語披香博士淖方成

坐視臺城累卵危梁家諸子幸災時不如蕭綜  
真忠孝瀝血親骸手殺兒

空桑莘野生伊尹野合鄒人又仲尼三代妖儒  
多誕妄坑焚秦火尚嫌遲

百萬須臾散，葛榮爾朱第一號。知兵河陰酷，濫天心怒坐遣高齊伯業成。

劉項當年智力分，唐家李密僅游魂。英雄確圍真奇快，黑獺同時賀六渾。

腹痛曹瞞酹路隅，誰知小女嫁周瑜。他時袁紹尤堪哭，破賊今年正爲奴。

小憐初賜中宮飾，曇獻先貽太上羞。直到后妃營發燭，當年天子號無愁。

發燭卽俗取燈陶穀所謂引光奴也

昏德更封天水公，完顏禮遇號優崇。卽令六女

爲宗婦猶勝王姬嫁櫛工

五國城時事

東漢人材敵古初那知中正法全疎虛名只似  
今時彥察李廉身父別居

楸枰孟德展雄圖弱敵平吞蜀與吳爭劫殘時  
逢國手不堪大耳况周瑜

素門何必乏人豪那用汾陽闕闕高黥卒狄青  
猶有識令人齒冷郭崇韜

賈履分香亦枉然子桓狗鼠有誰憐不知伏羲  
過時伎會否西陵望墓田



手寫拜昌宋退翁

愈字

當時腰斬逆臣同如何

孫覲修降表南渡年年食祿終

靖康降表孫仲益所草

應奉司歸政事堂將明奸勝蔡元長徽宗論相  
偏能謔聳上肩來司馬光

蕭后歸唐社久移宇文竇氏已先隨不知突厥  
兵迎日何似江都扈從時

伯紀非材世所嗤太原赴救等兒嬉知兵只有  
种師道解向都門哭送師

六月王師蓋少休

蔡京送蔡攸非伐詩

昌言無補但私憂

燕山首禍惟王黼，未必元長果預謀。

晚節奸京悔莫追，亟收入望用楊時。完名天界

誰能污，只有瑩中與罷之。

陳瓘劉安世宣和末  
年尚在蔡京欲大用

之會卒  
而止

清談房瑄罪雖真，師潰陳陶未失秦。一擲富平

張浚

誰浪戰，竟將全陝送金人。

王衍歸朝族盡淪，和哥亞子亦亡身。殺降又殞

完顏亮，天水何辜七百人。

溺愛晉家存正度，斥昏隋室貶房陵。兩朝異法

俱亡國自是天心有廢興

莫笑聞蛙識見惜事平猶自精孤忠蕩陰以後  
多明聖衣血何人惜侍中

帝髦遭兵御輦中賊昭辨疏但稱公筆端廢立  
無人詰玄伯徒勞斬賈充  
南風入已具卞形荀勗私謀更足聽爭道亂華  
劉石罪誰能追咎夕陽亭

伯仁金印醉狂呼周札開門納逆徒誅賞一家  
真倒置枉教江左號夷吾

諸葛淮南義旅興，毋丘未敗已王凌。  
韓臯自是知音者，琴散先教辨廣陵。

韋后入金猶作妾，沈婆陷虜竟無踪。  
人倫異變難全孝，不痛高宗痛德宗。

陪臣分晉逆謀行，首簡先書折亂萌。  
與視宋家非篡奪，護勞君實罪三卿。

臨江馘備且俘權，纔賦南飛便北旋。  
鼎足已成空諱敗，謾書猶詭自燒船。

三國英豪志各殊，不爲劉客願曹奴。  
交州遠竄

誰知我惟底虞翻只滯吳

棄地庸臣在廟堂坐看遼夏啓封疆借題迂叟

司馬光  
別號維州議尚譽竒章抑贊皇

金酋廢宋樹邦昌隆祐垂簾繼靖康先見聖人  
惟母后國家有事此人當

惠皇羊后頻遭廢巾櫛終教侍永明猶勝宮中  
青黑婦半生涯逆喪金行

苦戀觀燈滯廣陵金人焚蕩禍堪懲次年竄走  
章安鎮大海仍浮萬橘燈

梟雄兀木冠完顏航海窮追始北還狂虜亦知  
唐盛事陽山敢僭擬陰山

漁色場王不避親渝盟南伐爲劉嬪衾調豫蓄  
真慙絕先殪吳山立馬人

富平敗後又符離私遣行人去敕師抗疏却陳  
和議失具臣欺蔽合誅夷張浚符離敗後私遣  
太平州通判張蘊古

詰金末和孝宗  
聞之始大怒

解將魑魅比忠良鑄鼎圖奸擬禹友介甫詩妖

偏似讖太丘宋社果先亡

介甫有  
宋社詩

客趙重歸不庇身，仍投弱肉飼強秦。如姬報後  
侯生到，無忌何心酒婦人。

馬謖謀臣雖可痛，友非諸葛義何居。沛公葬羽  
終虛僞，何況曹公哭本初。

智數姚崇本絕羣，燕公何物換碑文。不須未歿  
先礮石，哭泣曾聞別舊君。

太宗教射欲安邊，作法於涼豈偶然。堯舜不曾  
知貢舉，打毬今日賭三川。

玄德頽齡離白帝，文皇晚節事高麗。英雄技藝

兼才盡一蹶堪憐竟不支

蘭亭秘跡索徒勞至寶梁間鍵束牢  
誦取累年煩御史可知齋翼卽溫韜

子房殲羽伍鞭屍二楚雖墟歲月遲  
鍾鄧片時齊授首無人擊節快姜維

梁師成冒子瞻兒黨禁俄寬事亦奇  
功夫大更存朱墨史豈同童貫認韓琦

蜀開滇郡因諸葛吳拓交州屬仲謀  
夷夏二方俱萬里曹家南顧始深憂



邊將危言犯袞衣昌陵亂始備儲闈時人盡美  
婁寅亮誰信元功是岳飛

躡足欽宗似危危兩宮從此遂乖離不如俘到  
燕山日父子相依梵剎時

道君執事重穹廬何況臨池特技餘小小吉鹵  
宣慰詔虜酋爭索瘦金書

徽宗在金時虜主  
賜詔必索季答

乳臭德王汚帝位嬰孩明受事相同朱溫張浚  
王謀弒松意翻云出至公

濟王廢斥召沂王廿七年中擅國綱配享理宗

終不許舉朝心服賈平章

賈似道不許史浩配享理宗

葛亮功名世所宗力噓炎燼討元兇口非湯武成何事慚愧稽康亦卧龍

闕寺聞名害最深卽看唐室禍侵尋則天女王偏神聖鳳閣鸞臺寄腹心

武惠妃姿冠衆嬪椒房幾立世仇人壽王武氏親生子半歲如何奪太真

山河破壞一身擔寬政猶容徙萬億要領不教膏斧鑕東明寺與木綿菴

徽宗南遁已無聊盡返琳宮作寺寮但笑黃冠  
摧塔日相輪改號鬱羅霄

五郎遺體是揚釗外戚黃緣冠百寮何至易之  
蒙洗雪詔云羽翼在周朝

堯母先誅用意深少年得志倘宜濫誰知八十  
玉家如坐漢宮中也陸沈

家亡國破事難知貴主蒙塵代有之生長南唐

終非虜飄零誰似李芳儀

李芳儀南唐中玉妹

八陵盡發况慈闈聽罷張燾淚濕衣萬世不宜

忘此賊蔡州合力未全非

王霸從來自真堪羞曹馬伺風塵欺他孤寡  
圖天下上黨胡雛也笑人

李輔國妻元載姊呂玄晤女嫁高閹唐家典制  
真難曉謁者生兒未足嫌

僖皇奔蜀失三峭婦女樓前解獻嘲閱馬殞身  
張浪狗喪邦元不屬黃巢

渝盟南宋亦堪憂淵聖仍教立汴州兀术運籌

雖妙算難云秦相不知謀

兀术遺囑云宋倘敗盟可竟立淵聖于汴

志歿凶闖崔慎由汴州克倍董瀛州縉郎

崔胤  
小字

覆族渾閒事召致朱三孰首謀

靖康異變匪強臣紹述紛紛禍有因空嘆廟堂

生莽草

王介甫詩

手援二蔡竟何人

唐至宣宗主勢孤延英僅可怖令狐堪憐握手  
稱全未不畏疆臣却畏奴

焚經投廁戮沙彌崔浩他年五族夷苦諫縉流  
難盡滅道家誰及寇謙之

呂武雖云篡漢唐中興帝祚更綿長獨狐只妬

雲昭訓廢立俄教隋社亡

宦寺功臣豈等倫郤教魚郭互稱賓  
衰唐侈汰應亡國一會何須十萬緡

健兒唐季樹元戎天子猶輸卒伍雄  
直至陳橋身革命黃袍亦復出軍中

廢逆孫綝耻署名力排蘇峻殞宣城  
兩朝姓字同忠義可是桓彝再捨生

書生譏切若紛紜烈婦貞臣幾策勛  
具眼管惟王介甫相稱馮道女昭君

無鬚眇小陋書生勸殺真卿罪不輕况事僞廷  
官宰相唐家竟赦李元平

袁晁平後又龐勳小盜雖俘禍轉殷元氣空虛  
心膈潰廣明金統太紛紜

綱浚粗疎負國恩太原不救富平奔虛名又有  
虞并父泛使哀詞乞寢園

錯疑韓岳作苗劉姑款仇金杜隱憂兵柄盡除  
猶未悟武夫誰及會之謀

孤軍入洛咎端平挑釁皆繇復舊京陳亮丘竊

辛弃疾先朝辛苦浪談兵

歐史當時號整嚴○韓通無傳避時嫌○詰詞首列

中書令○永叔爭如呂祖謙

詰見宋文鑑首

董賢武曌禪將行○二主淫昏出語輕○結舌滿朝能諫止○漢唐郝處俊王闕

繼體君須善續承○莫將嚴刻號中興○卽看周漢兼唐季○全盛三宣伏亂徵

天潢不億仰公朝○填壑擔金患未消○介甫至言千古法○祖宗親盡亦須裒



召還蘇峻覆京師私怨陶稱在被夷外戚怙權  
兼誤國無人筆伐庾元規

落帽風流孟萬年陶潛文解感寒泉外孫述祖  
誰堪匹楊惲書能繼馬遷

項瘳晉家婚杜預曹公欲壻眇丁儀英雄憐女  
求才俊何用妍皮市井兒

衛辰餘孽定關中保吉孫能繼祖風同霸夏州  
同號夏赫連兀卒兩英雄

獨孤庶子憎高頰曹叡爲文貶賈生異代君臣

他姓妾悍妻妬主太分明

降卒何辜反見屠狂生妄議却宜誅後人莫怨秦坑醜誤在長平不在儒

丁亥六月十五日

卷三十一

清權堂稿卷之

此處應為卷二十二

秀水沈德符景倩父著

侄大詹伯遠父訂

過亡姬殯宮集唐 為錢三娘

野花寂寂遍荒阡。寒食家家送紙錢。滄海月明  
珠有淚。南湖秋水夜無烟。錦屏銀燭俱堪恨。旅  
館寒燈獨不眠。回首可憐歌舞地。斷腸猶繫琵琶  
絃。

清明時節好風光。長憶蕭家白玉牀。雲髻罷梳

還對鏡。藥丸多忌。更尋友。相携花下。非秦贄。教  
向桃源嫁阮郎。一吋一回腸。一斷新墳。空莖舊  
衣裳。

抱月飄烟一尺腰。昔年於此見妖嬈。醉憑青瑣  
窺韓壽。寒繡紅衣餉阿嬌。深院沉沉人悄悄。青  
山隱隱水迢迢。火銷燈盡天明後。便入空房守  
寂寥。

等閒撩亂走空園。寂寂花時獨閉門。不見朱唇  
將白貌。獨留青塚向黃昏。更成後會知何地。應

是前生有夙冤。啼得血流無用處。共來泉際語  
孤魂。

腸斷春風爲玉簫。不堪人事日蕭條。彩箋曾擘  
欺江總。金屋粧成貯阿嬌。只有夢魂南去日。更  
無消息到今朝。北邙空恨清秋月。一點山螢照  
寂寥。

爲君惆悵又黃昏。金屋無人見淚痕。自嘆馬卿  
長帶病。何曾宋玉解招魂。畫圖省識春風面。嫩  
色曾沾雨露恩。欲訪孤墳誰引至。清辰猶爲到

西園

回頭不去淚潸然。忍見空牀夜夜眠。無復綺羅  
騎白日。惟聞青棘與黃泉。繞籬野菜飛蝴蝶。滿  
眼梨花哭杜鵑。想得當時好風月。月明樓上看  
神仙。

更無人倚玉闌干。幾許幽情欲話難。閨苑有書  
多附鶴。碧桃何事更驂鸞。春蠶到死絲方盡。古  
栢重生枝亦乾。蘇小小墳今在否。數條藤束木  
皮棺。

江南何處。墓西施。只有衣襟。淚得知。明月既能  
通。憶夢好。風偏似送佳期。桃花解笑。鶯能語。榆  
莢拋錢。柳展眉。想得佳人。微啓齒。深紅衫子。影  
門時。

閑梳鬢。掃學宮粧。惆悵經時。憶謝娘。琴曲少聲  
重。勘譜羅衣。欲換更添香。追思往事。香嗟久。始  
覺空門。氣味長。四尺孤墳。何處是。莫愁魂散。石  
城荒。

杏花榆莢。曉風前。酒滴灰香。似去年。泉室久無



人氣味多。生信有短。姻緣誰。將此。埋烟。攏何。  
事孤魂。逐逝川。鈿盒金釵。寄將去。不知何處是。  
西天。

直將珠玉。閉黃泉。曾鼓莊盆。對逝川。不記青楓。  
幾回落。每逢寒食。一潸然。蘭亭舊路。雖曾識。子。  
夜新歌。遂不傳。艷魄香魂。如有在。南方歸去。再。  
生天。

芙蓉如面。柳如眉。後輩風流。是阿誰。歸日。并隨。  
南雁。盡前程。便是聽猿時。曾經滄海。難爲水。行。



過巫山必有詩。寂寞死灰人喪偶。苧羅烟雨失西施。

先將芍藥獻粧臺。獨瀉椒漿奠一杯。柳似舞腰池似鏡。雪爲支體玉爲腮。得成比目何辭死。欲寫愁腸愧不才。天爲素娥孀怨苦。夜深還過女牆來。

清明日出萬家烟。地濕莎青雨後天。野廟向江春寂寂。方塘似鏡草芊芊。機中錦字論長恨。風動羅幃照獨眠。涕淚雖多無哭處。挑燈自送佛。

前錢

悠悠生死別經年。緹幕初垂月落天。此夜獨歸  
還乞夢。當時惆悵不曾眠。坐牽蕉葉題詩句。添  
把山花奠几筵。指似傍人因痛哭。鏡光猶掛畫  
樓前。

牡丹一朶值千金。雲母屏風燭影深。言語巧偷  
鸚鵡舌。精神別稟鳳凰心。誰家促席臨低樹。不  
見紅芳與綠陰。恰似傳花人飲散。恨無消息到  
如今。

醅。憐風月爲多情。王母前頭作伴行。地下若逢  
陳後主。人間因識董雙成。瑤臺絳節游俱遍。粉  
壁紅窗畫不成。日暮酒醒人已遠。覺來仙夢甚  
分明。

曉來和淚喪嬋娟。墳上俄生碧草烟。香在衣裳  
粧在臂。魂歸冥漠魄歸泉。自知白髮非春事。却  
恨青蛾誤少年。一下南臺到大世。幾回天上  
望神仙。

洞房簾箔至今垂。惺血屏風畫折枝。更恨香魂

青華宮  
不相遇。真戒薄。命久尋思。蟬娟流入襄王夢。搖  
落深知宋玉悲。丘壘茫茫野。花發。何人重立智  
瓊祠。

上清淪謫得歸遲。陵谷依然世自移。碧落有情  
應。悵望白雲何處更相期。崇霞臺上神仙客。玉  
蕊峰頭王母祠。兩處茫茫皆不見。楚天雲雨盡  
堪疑。

酥凝背胛玉搔肩。得疾多因倚少年。內屋深屏  
生色畫。宿粧殘粉未明天。鏡中絲髮悲來慣。樓

上花枝笑獨眠。行到窈娘身歿處。更無人跡有  
苔錢。

石家金屋水空流。蘇小門前柳拂頭。去日已多  
來日少。他生未卜。此生休。朝雲暮雨連天暗。野  
草閑花滿地愁。若是有情爭不哭。新人來坐舊  
教樓。

杏花零落寺門前。坐聽微鐘記往年。羸女機中  
烟素素。張侯樓上月娟娟。纔成好夢剛驚破。更  
繞回廊又獨眠。初拆鞦韆飛寂寞。綠楊如髮雨

青蓮堂前  
如烟

一聲隣笛舊山川。可得潸然是偶然。幾度看花空有淚。當時求夢不曾眠。碧莎裳下携詩卷。楊柳洲邊載酒船。長恨春歸無覓處。渡頭芳草憶前年。

滿庭榆筴似秋天。影絕魂銷動隔年。紅葉下山寒寂寂。綠波無路草芊芊。殘花舊宅悲江令。落日深山哭杜鵑。巧婦才人常薄命。南隣丹旆又新懸。

願操箕帚奉屏帷。早結雲山老去期。可惜風情  
與心力。只憑春夢訪天涯。鶯憐勝事啼空巷。蟬  
曳殘聲過別枝。記得玉人初病起。已涼天氣未  
寒時。

繞門青槿絕塵埃。內屋金屏曉色開。大抵好花  
終易落。爭教紅粉不成灰。橋橫落照虹堪畫。簾  
捲春風燕復來。腸斷吳王宮外水。捧心無語淚  
蘇臺。

存亡感月一潸然。還照離人泣斷絃。自恨青樓

無近信。遙將紅淚灑窮泉。黃鸝嚙處誰同聽。白菊開時最不眠。却憶去年寒食會。女郎掠亂送鞦韆。

此心難捨意難論。長對春風浥淚痕。絳節幾時還入夢。繡屏斜立正銷魂。離鸞別鳳今何在。慢綠妖紅半不存。蒿草多於松栢樹。每年寒食一開門。

獨行村落更相思。縱使春歸那得知。稠樹遍山聞杜宇。落花如雨淚胭脂。天長地久有時盡。物



在人亡無見期。響屨廊中金玉步。濁泥猶得莖  
西施。

風光別我苦吟身。栲栳量金買斷春。萼綠華來  
無定所。毛延壽畫欲通神。金輿不返傾城色。玉  
樹未憐亡國人。獨宿自然堪下淚。夜來微雨已  
沾巾。

烟花零落過清明。更就墳前哭一聲。寒骨未沾  
新雨露。粉題空換舊銘旌。鸞吟鳳唱聽無拍。米  
簞銀牀夢不成。燕拆鶯離芳草竭。荒階行盡又

董行

細腰宮燼舊城摧。誰遣多情又獨來。粧鏡尙疑  
山月滿。綺羅留作野花開。遺簪墜履應留念。銀  
鴨金鳧也變灰。豈料汝旣爲異物。何人空伴玉

山頽。

燭烟昏霧暗騰騰。寂寞相如臥茂陵。秋草不堪  
頻送遠。曲闌愁絕每長憑。珊瑚枕上千行淚。白  
玉壺中一片冰。從此風流爲廢物。餘生惟指佛  
卮燈。

斜斂輕身拜玉郎。家常愛着舊衣裳。教移蘭燼  
頻羞影。不任薰爐換好香。草碧未能忘帝女。水  
聲猶似哭襄王。山前月照孤墳曉。任去佳人弔  
白楊。

謝娥行處落金鈿。羨爾優游正少年。仙樹有花  
難問種。明珠無類亦羞圓。不堪紅葉青苔地。早  
是傷春夢雨天。丘壘漸平連茂草。北邙松栢鎖  
愁烟。

濕雲如夢雨如塵。原上新墳委一身。東嶽何尋

太真如。下泉須帶孟才人。鶯吟舊韻還成曲。草  
着愁烟似不春。行到中庭數花朵。海棠風外獨  
沾巾。

奠筵朝啓露沾裳。只是含酸對影堂。王母西歸  
方朔去。子期凋謝呂安亡。玉顏不及寒鴉色。朽  
骨徒驚月桂香。莫道風流無宋玉。亂猿啼處訪  
高唐。

仙冠輕舉竟何之。燕燕辭巢蟬蛻枝。今日相逢  
又相送。少年輕會復輕離。月明古寺客初到。花

落深宮。鶯亦悲。娃館。葶蘿無處所。倚樓空。綴悼  
亡詩。

紙錢那得到黃泉。每見青楊一惘然。隴月正當  
寒食夜。好花爭奈夕陽天。徒勞掩袂傷紅粉。只  
合披緇念法蓮。學取大羅些子術。汝身。成鶴我  
成仙。

愁雲漠漠草離離。欲語潛然便淚垂。終日相思  
不相見。歸來如夢亦如癡。偶因月自風清夜。憶  
得同歡共醉時。狎客淪亡麗華死。景陽宮。舞更

堪悲。

可憐神彩弔斜陽。一半音詞雜悼亡。誰會憑欄  
潛忍淚。不堪閑坐細思量。鶴羣長繞三珠樹。侍  
婢先焚百和香。却似同衾見時節。燠籠亂搭綉  
衣裳。

緣肩禪袖太慙生。一笑能令下蔡傾。紅艷裊烟  
疑欲語。御香聞氣不知名。疎簷看織蠨蛸網。古  
木惟多鳥雀聲。吳苑樓臺俱冷落。一場春夢越  
王城。

淚沿紅粉濕羅巾。繞壁依稀認寫真。悔不長留  
穆天子。更須重見李夫人。風欺岸柳長條困。雪  
點寒梅小院春。玉樹忽埋千載後。可能隨例作  
灰塵。

夢來何處更爲雲。冥漠重泉哭不聞。因事凌思  
荀奉倩。昔年剛笑卓文君。數枝楊柳低衣袂。一  
樹繁花對古墳。若問玉人殊易識。自粧素袖碧  
紗裙。

強憑杯酒亦潸然。何處風光不眼前。吳國地遙

江接海。洞庭春盡水如天。紅芳綠筍是行路。秋  
草黃花覆古阡。欲起九原看一遍。爲言憔悴過  
年年。

紫烟衣上綉春雲。睡鴨香爐換夕熏。可便無心  
邀武媚。不知何處弔湘君。曉侵雉堞烏先覺。曙  
蘸蕪香鶴共聞。艷骨已成蘭蕙土。小桃花。遠薛  
濤墳。

玉書潛記上升時。春色人間總未知。似覩瑤姬  
長嘆息。非關宋玉有徵詞。鳥來花落紛無已。雲



滅烟銷不可期。最是楚宮俱泯滅。貞娘墓上獨  
題詩。

靜尋春譜認嬋娟。惆悵又逢寒食天。花憶所爲  
猶自笑。水應無事莫潺湲。不知庭霰今朝落。盛  
取幽香盡日憐。一慟傍人莫相笑。祇應將淚比  
黃泉。

附錄

馬仲良詩集序

此序論  
詩呈世  
不朽

明興以來稱詩至弘正之際而李何出範永徽  
開元之貌而俎豆之繇是賢愚爭奮巧拙共赴  
蓋攝持世界者幾百年而漸有腹誹者至近日  
則反唇甚口欲盡掃而空之以返於性情夫倦  
游京洛乃貴林丘飽既牲牢必珍蔬荀理勢然  
也然諱江筆之暮年貧薛賤之小樣益益堆景  
猿鳥哀鳴可永永作耳目供乎蓋前之爲莊語

者多易京樓上婦人卽習大聲聞數里而聽者  
強其非質今爲微言之人又多江東捨父學王  
謝儂音細唾有識者肯遂以風流相許乎予此  
言出而疑駭者相半獨仲良首肯且曰此吾居  
恒所持論也仲良垂髫卽工詩登第爲郎吟咏  
益富恣意匠之所經營恣情景筆墨之所稱恠  
舉百年中人心慕手追者并其陽詆而陰事者  
一一羅之紙上詞能達義肉足骨大抵眼有  
鏡腕有刃以故曲折變幻於此道庶幾無遺憾

世卽有相羨妬者亦安能效羅什而飯針哉說  
者微議仲良何不畫爲初盛間及大曆以下予  
又不敢謂然世方以明例唐請卽以唐論燕許  
簪裳於觀闕李杜亢壯於江湖以至錢劉之流  
連光景溫李之描畫閨奩總能自以全副精神  
開拓陣勢胸無伏匿之物喉無囁嚅之音譬之  
羣飲然深淺不同各極本量而止夫是之謂不  
失性情迨季年而無賴舉子挾行卷糊口於藩  
鎮詩始日以賤亦日以亡耳耳食之徒每深文

于唐中葉。若趙宋則交喙。言之。夫唐宋者人也。  
性情亦何唐宋之有。以萬曆之人。發抒萬曆  
之性情。試按其語。乃得唐人之未嘗有與宋人  
之不能有是。亦詩之躋巔。造極觀于。是乎。止矣。  
仲良具異性。兼有深情。富有日新。肯甘以此編  
爲任地。耶。今詩道之賤。與否。所不敢知。要使成  
弘。至今。有一人焉。大冶以鑄五金。滄波以漚百  
谷。稱明興以來。詩大成也。則仲良今日以後事  
矣。

杜亭近草序

昔人云詩能窮人談稊者悲其意而壯之矯之者又曰詩能達人王弼州親著文章九命以志悼而其欲伸四傑也終似有感於裴行儉數語則意中所重尚未有定論也唐詩達於開元後者無過曲江燕國大小二許公而最窮者則杜少陵終唐世不甚表著至宋坡谷輩始北面組豆自是家祖禰而人可裴矣然或詮解或題詠或摹倣穢雜百出其辱浣花也滋甚獨盧德水

先生以意蒞心燈、單傳宗印、箋其書、氏其亭、有似唐文皇之言、心慕手追、一人而已者、乃德水之材、殖之神、韵之風、氣又足苞孕八代、凌躡三唐、能爲杜、能不盡爲杜、復能得杜之未曾有者、爲杜詩道至此、庶無餘量哉、德水綺歲、登華省、輒請疾、依太夫人膝下、闐闐數屢、塵壒萬卷、墜戶不通賓者、已六寒暑、古人謂晏嬰近市、不求朝夕之利、潘岳面城、且適閒居之樂、殆爲德水寫照、以此稱詩、自然無俗情、有至性、無儒響、有

亮節無暉緩沓拖之態有洞明廣大之音此豈  
當世詞騷所能幾萬一者予因竊評德水其樂  
貧似顏其純孝似閔其簡厚似二冉而又歛其  
軺輶布列之政事韜其軒陛對揚之語言一一  
歸併於詩至於漸被同里則肖弦歌之城上下  
異代亦續毛詩之序蓋已德備四科身兼數器  
其所就固宜爾然德水詎甘心此集爲息肩地  
哉年方壯氣方銳顧益虛其心益恬其鋒覃思  
博學壯采異光如日高春而未中天寧獨韻語



一事擅絕來茲他年秉燕許之衡軸尚不屑燕  
許之勞烈窺其品行與張子壽伯仲乎此時作  
文章司命以雅頌薦廟堂以律呂播金石詩家  
如少陵輩今所尸而祝者且收爲藥籠中物使  
當世有弇州其人其於窮達兩義更當大有比  
擬抑揚爲千古詩人吐氣矣德水他著述幾窮  
二酉而敵三倉尚未具論姑就新詩而論其槩  
如此